

畿輔通志卷十二

帝制紀十二

京師一

京師本虞夏幽冀之域周爲燕召公封國漢唐爲幽州遼會同
元年升爲南京始建都焉開泰時又稱爲燕京金天德四年
自會甯府遷都於此貞元元年改爲聖都四年改爲中都元
初仍號燕京至元元年復爲中都四年於中都之東北置城
而遷都焉九年改爲大都明初爲燕王封國永樂元年建爲
北京稱行在十九年稱京師洪熙初復稱行在正統六年始
定爲京師

本朝順治元年

世祖章皇帝定都於此爲萬世之基

城池

都城周四十里南面廣二千二百九十五丈九尺三寸北二千二百三十二丈四尺五寸東長一千七百八十六丈九尺三寸西一千五百六十四丈五尺二寸下石上甃共高三丈五尺五寸堞高五尺八寸址厚六丈二尺頂闊五丈設門九南爲正陽門南之東爲崇文門南之西爲宣武門東之南爲朝陽門東之北爲東直門西之南爲阜城門西之北爲西直門北之東爲安定門北之西爲德勝門門樓如之角樓四城堞一百七十二旗礮房九所堆撥房一百三十五所儲火藥房九十六所雉堞一萬一千三十八礮窗二千一百有八凡門樓均朱楹丹壁檐三層封檐列脊均綠琉璃城闌九惟正陽門城闌關三門譙樓一闌樓三餘八門城闌各一門譙樓闌

樓各一凡譙樓閣樓均四面甃垣設礮窗雉堞均留槍竇正

陽門東西崇文門東宣武門西朝陽門南東直門南德勝門

西各設水關一均內外三層每層皆護以鐵柵

大清會典

皇城居都城之中垣周十八里有奇共三千六百五十六丈五尺高一丈八尺下廣六尺五寸上廣五尺三寸甃以甃塗以朱覆以黃琉璃瓦其門凡四南曰天安門北曰地安門東曰東安門西曰西安門天安門外東西南三面垣周四百七十二丈三尺六寸南爲

大清門東爲長安左門門外垣周一百五十五丈西爲長安右

門門外垣周一百六十七丈五尺一寸各設三座門

大清會典

天安門之內曰端門端門之內左曰闕左門右曰闕右門天

安門舊名承天門順治九年改今名地安門舊名北安門亦

順治九年改名

大清一統志

大清門牌額於順治元年改定

日下舊聞考

紫禁城居

皇城之中垣周六里廣袤一千六十八丈三尺二寸南北各長二百三十六丈二尺東西各長三百有二丈九尺五寸高三丈雉堞崇四尺五寸五分其門凡四南曰

午門北曰

神武門東曰

東華門西曰

西華門四隅角樓各一垣外東西北三面守衛房舍共七百三

十二間

大清會典

外城環內城南一面計二十八里南面廣二千四百五十四

丈四尺七寸東長一千八十五丈一尺西一千九十三丈二尺下石上甃共高二丈堞高四尺址厚二丈頂闊一丈四尺設七門南曰永定左安右安東曰廣渠東便西曰廣甯西便各門俱有甕城門各有樓城闌七角樓六堞六十三堆撥房四十三所雉堞九千四百八十七礮窗八十八東西便門樓及角樓制如都城譙樓設礮窗雉堞均留槍竇東便門東西便門東水關各一皆三洞每洞內外均有鐵柵東便門西水關一內外二層鐵柵如之

大清會典

外城建於明嘉靖三十二

年四十一年修繕重城添永定等七門之甕城四十三年京

師重城成我

朝雍正五年疊石道廣甯門外廣二丈長亘九里九年增修城

洞門復廣石道數里

雍正志

謹案日下舊聞考今廣甯門俗稱彰義特沿金源以來舊名耳其實金之彰義當在今廣甯門外之西南距右安門外地稍遠於方位始合金之內城正南門曰宣陽門外橋曰龍津橋外門曰豐宜周輝北轅錄范成大石湖集紀述甚明爲今右安門外地其豐宜之西南當爲景風門再西當爲麗澤門凡經兩門然後及正西彰義門今雖不能距右安門外之豐宜實指金之彰義何處而右安與廣甯相去甚近其非金彰義之舊鑿然無疑也

內城濠河發源玉泉山經高粱橋至城西北分二支一循城北轉東折而南入德勝門西水關至

皇城內由

大內流出玉河橋達正陽門東水關曰玉河一名御河

大清一統志

一循城西轉南折而東環繞九門經九閘匯流至大通橋而東悉砌甃石於兩岸地形高下不同濠之淺深因之正陽門外石梁三餘八門各跨一梁外城濠河亦自玉泉山分流至西角樓繞城南流折而東至東角樓環繞七門東達運河門外各跨一梁

大清會典

皇城內河流四面環繞其由地安門西步梁橋流入者經景山西門而南環紫禁城是爲護城河其西面之水自

紫禁城西南隅引入流經天安門前外金水橋下東南注玉河是爲外金水河其由

神武門西地溝引護城河水流入沿西一帶經

武英殿前至

太和門前內金水橋下復流經

文淵閣前至三座門從

鑾駕庫巽方繞出

紫禁城者是爲內金水河俗名筍子河其由西闕門下地溝引

護城河水流入經

午門前至東闕門外循

太廟右垣南流折而東注

太廟戟門外筍子河東南合玉河者係乾隆二十五年奉

旨所開之水道至由地安門東步梁橋流入經東安門內望恩橋下

流注玉河者又別爲一道也

同上

壇廟

天壇在正陽門外永定門之東形圓象天南嚮三成上成徑九丈高

五尺七寸二成徑十五丈高五尺二寸三成徑二十一丈高五尺上成石面九重自一九環甃遞加至九九二成自九十遞加至百六十有三成自百七十有一遞加至二百四十有三合一三五七九陽數每成四出陛皆白石九級上成石闌七十有二成百有八三成百八十合三百六十周天之度柱如之內壝形圓周百有六丈四尺高五尺九寸壝門四皆六柱三門柱及楣闕皆白石扉皆朱櫺壝外東南丙地燔柴鑪一高九尺徑七尺甃以綠琉璃瘞坎一東南燎鑪四分設於壝東西門之左右壝北門後爲

皇穹宇南嚮環轉八柱圓檐上安金頂基高九尺徑五丈九尺九寸石闌四十有九東西南三出陛各十有四級左右廡各五間一出陛殿廡覆瓦均青色琉璃圍垣形圓周五十六丈六尺

八寸高丈有八寸南設三門崇基石闌前後三出陞各五級
外壇東門外東北隅爲神庫神廚各五間并亭一祭品庫樂
器庫稷薦庫各三間又東爲宰牲亭并亭各一壇外內垣門
四東曰泰元南曰昭亨西曰廣利北曰成貞皆朱扉金釘縱
橫各九昭亨門外東西石坊各一歲以冬至日祭

大清會典

地壇在安定門外北郊形方象地方折四十九丈四尺四寸深八尺
六寸闊六尺澤中貯水方邱北嚮二成上成方六丈下成方
十丈六尺均高六尺上成正中六六方甃外八方均以八八
積成縱橫各二十四路二成倍上成八方八八之數半徑各
八路以合六八陰數皆甃以黃色琉璃每成四出陞各八級
皆白石二成上南左右設五嶽五鎮五

陵山石座鑿山形北左右設四海四瀆石座鑿水形均東南向水形

座下鑿池貯水以祭內壝方二十七丈二尺高六尺厚二寸
壝北三門六柱東西南各一門二柱柱及楣闕皆白石扉皆
朱櫺壝北門外東北燈杆一西北瘞坎一燎鑪五外壝方四
十二丈高八尺厚二尺四寸門制與內壝同東西門內從壇
瘞坎南北各二壝南門後

皇祇室五間北嚮覆黃琉璃圍垣正方周四十四丈八尺高丈一尺
北嚮設一門外壝西門外神庫神廚祭器庫樂器庫各五間
井亭二又西爲宰牲亭亭前井亭左右各一西北爲

齋宮東嚮正殿七間崇基石闌五出陛左右配殿各七間內宮
門三間左右門各一外宮牆周百有十丈二尺門三東嚮門
東北鐘樓一內壇周五百四十九丈四尺北西各三門東南
各一門外垣周七百六十五丈西嚮門三角門一歲以夏至

日祭

日下
舊聞考

祈穀壇卽

天壇內大享殿每年正月上辛恭祀

上帝以祈年穀明永樂中合祀天地建此殿曰大祀殿嘉靖九年分
南北郊遂於其南建天壇而此殿專以祈穀改名大享

本朝因之

大清
一統志

壇圓三成南嚮上成徑二十一丈五尺二成

徑二十三丈二尺六寸三成徑二十五丈面甃金甃圍以石
闌四百二十南北三出陛東西一出陛上成二成各九級三
成十級壇上建殿制圓內外柱各十有二中龍井柱四檐三
重上安金頂左右廡各九間均覆青琉璃瓦前爲祈年門崇
基石闌前後三出陛各十有一級門外東南燔柴鑪一瘞坎
一燎鑪五內壝周百九十丈七尺二寸門四北門後爲

皇乾殿五間上覆青琉璃南嚮正面三出陛東西一出陛各九級石

闌五十有九內墼東門外長廊七十二間二十七間至神廚
井亭又四十七間至宰牲亭爲祭時進俎豆避雨雪之用墼
外圍垣東西北三面各有門南接成貞門成貞門外西北爲
齋宮東嚮正殿五間崇基石闌三出陛陛前左設齋戒銅人石
亭一右設時牌石亭一後殿五門左右配殿各三間內宮牆
方百二十三丈九尺四寸中三門左右各一門牆外環池前
跨石梁三左右各一鐘鼓樓一座外宮牆方一百九十八丈
二尺二寸環以迴廊一百六十三間復繞以深池宮門石梁
均與內同牆外東爲神庫神廚宰牲亭

日下
舊聞考

朝日壇在朝陽門外制方西嚮一成方五丈高五尺九寸面甃金
甃四出陛皆白石各九級圓墼周七十六丈五尺高八尺一

寸厚二尺三寸墼正西三門石柱六東南北各一門石柱二楔闕皆制以石朱扉有櫺燦鑪一西南瘞坎一墼北門外東神庫神廚各三間井亭一西面間以朱櫺垣一重門一宰牲亭三間垣一重門一北祭器庫樂器庫稷薦庫各三間

具服殿正殿三間左右配殿各三間衛以宮牆宮門三間南嚮西北鐘樓一座祠祭署三間東嚮左右各三間壇西門北門各三間北門西角門一壇垣前方後圓周二百九十丈五尺外圍牆西自坊西抵壇垣西南角長三百八十二丈四尺東自坊東抵壇垣東北角長三百十有二丈四尺直北爲禮神街牌坊坊前界以朱柵長十有五丈凡甲丙戊庚壬年

親祭餘遣官每年春分日祭以卯時壇上金版朱書大明之神位

大典大清祭器係乾隆十三年

高宗純皇帝親加審定

具服殿自乾隆七年移建於壇之西北隅二十年復將壇宇重

新增葺

日下
舊聞考

夕月壇在阜城門外西郊制方東嚮一成方四丈高四尺六寸面
甃金甃四出陛皆白石各六級方壇周九十四丈七尺高八
尺厚二尺二寸壇正東三門六柱西南北各一門二柱柱及
楣闕皆白石扉皆朱櫺壇東門北門外燎鑪各一瘞坎一東
北鐘樓一壇南門外西爲神庫神廚各三間宰牲亭井亭各
一南爲祭器庫樂器庫各三間

具服殿正殿三間左右配殿各三間衛以宮牆宮門三間南嚮
祠祭署三間北嚮左右各三間東北鐘樓一座壇東門北門
各三間北門東角門一壇圓方二百三十五丈九尺五寸外

圍牆東自坊東抵壇垣東南角長二百六十丈西自坊西抵壇垣西北角長二百四十丈四尺直北爲光恆街牌坊坊前界以朱柵長十有二丈八尺凡丑辰未戌年

親祭餘遣官每年秋分日祭以酉時壇上黃版素書夜明之神位東嚮綠版金書二十八宿之神位木火土金水星之神位俱

南嚮

大清會典

謹案金史禮志朝日壇曰大明在施仁門外之東南夕月壇曰夜明在彰義門外之西北明洪武中以日月星辰從祀天地罷朝日夕月崇星之祭嘉靖九年建南北郊始於東郊祭日西郊祭月

本朝順治元年嘗罷八年復建今制

社稷壇在

皇城內

午門之右北嚮每年春秋仲月上戊日致祭異壇同壇社以句

龍氏配稷以后稷配

大清一統志

壇制方二成高四尺上成方五

丈二成方五丈三尺四出陛皆白石各四級上成築五色土

中黃東青南赤西白北黑土由涿霸二州房山東安二縣豫

辦解部同太常寺驗用內壇四面各一門楔闕皆制以石朱

扉有樞門外各石柱二壇色亦各如其方壇北門內西北瘞

坎二北爲

拜殿又北爲戟門各五間戟門內列戟七十有二均覆黃琉璃

崇基三出陛壇外西南神庫五間神廚五間井亭一均東嚮

壇垣周百五十三丈四尺內外丹牓覆黃琉璃北門三間東

西南門各一間循垣東北隅東嚮正門一左右門各一相對